

KPFLren ALDAKETA

1. **7. artikulua 1. puntuko g) letra**

... Horretarako, sartuta egonen dira 73000000-2tik 73120000-9ra bitarteko, eta 73300000-5, 73420000-2 eta 73430000-5 CPV kodeak, bi baldintza hauek betetzen direnean izan ezik:

2. **8. artikulua 6. puntua.** Testua aldatu da argitzeko zein diren argitaratu beharreko enkarguak.

6. Nahitaez bete beharreko aginduen bidez mamituko dira enkarguak, eta betiere adjudikazio botereari dagokio behar bezala exekutatzeko direla gainbegiratzea.

Enkargua egiten duen adjudikazio botereak ordaindu beharreko zenbatekoa ez da handiagoa izanen hura exekutatzeko beharrezkoak diren kostu errealek itzulketa baino.

Enkarguen balioa zenbateko txikiko kontratuetarako araubide bereziko ezarritako balioetik gorakoa bada, haiek egiteko agindua Kontratazio Atarian argitaratuko da, labur azalduta agindua justifikatzen duten egitatezko inguruabarrak eta zuzenbideko oinarriak, eta enkarguak ez dira exekutatzeko hasiko iragarkia argitara eman eta hamar egun natural iragan baino lehen.

Enkarguaren zenbatekoa Europako gutxienekoa baino handiagoa denean, hura egiteko agindua Europar Batasunaren Aldizkari Ofizialean ere argitaratu beharko da, eredu ofizialen arabera, onetsi eta berrogeita zortzi eguneko gehieneko epean.

3. **13. artikulua 1. puntua.** Gaztelaniazko testua aldatu da komunztadurak egokitu eta hizkera inklusibo erabiltzeko. Euskaraz aldaketarik ez

1. Kontratazio organoek aldi baterako enpresa-elkarteekin edo batera parte hartzen duten pertsonekin kontratatzen ahalko dute. Parte-hartze hori agiri pribatu baten bidez gauzatuko da; bertan, adieraziko da borondatea dagoela batera aurkezteko, zehaztuko da lizitatzaileraren partaidetza-portzentajea, eta ordezkari edo ahaldun bakarria izendatuko da, kontratuak sortzen dituen eskubideak erabili eta betebeharrak betetzeko ahalmenak izanen dituen kontratua azkendu arte, ezertan eragotzi gabe kontratu edo ordaintzeko ahalmen mankomunatuak egotea.

4. **14. artikulua 4. puntua.** Testua aldatu da komunztadurak egokitzeko.

*4. Zerbitzu-kontratuak adjudikatzeko prozeduretan, lizitatzailerak behartuta baldin badaude, beren jatorrizko herrialdean dena delako zerbitzua eman ahal izateko, baimen bereziren bat edukitzera edo erakunderen bateko kide izatera, zilegi izanen da hari exigitzea frogatzea *dezala* baimen hori *badaukala* edo erakunde horretako kide *badela*.*

5. **17. artikulua 2. puntuko a) letra.** Kaudimena frogatzeko bideek frogak emateko duten epea zabaltzea

Adjudikazio botereek kontuan hartu ahalko dituzte aurreko aldietan eginiko obren frogak, horrela jokatzeko komenigarri egiten duten inguruabarrak aurretiaz justifikatzen badira.

6. **23. artikulua**ren 2. puntuaren c) letra falta da.

2. Apartatu bereko c), d), e), f), g) eta h) letretan ezarrita dauden kontratatzeko debekuak daudela automatikoki xedatuko dute kontratazio organoek, eta debeku horiek iraunen dute haien zio diren egoerek dirauten bitartean.

7. **35. artikulua**. Kontratu publikoen araubide juridikoa:

5. Baldin eta 4.1 e) artikulua zentzuan administrazio publikoei lotuak edo haien mendekoak diren entitateek eginiko jarduerak badira, *eta Foru Lege honen xedapenen mendekoak*, administrazio-bidean aurkaratu ahalko dira Administrazio Publikoaren Administrazio Prozedura Erkidearen urriaren 1eko 39/2015 Legean ezarritakoari jarraikiz, entitate kontratatzailea atxikita dagoen edota haren zaintza dagokion departamentu, organo, ente edo erakundearen titularraren aurrean. Entitate kontratatzailea administrazio bati baino gehiagori lotuta badago, organo eskuduna izanen da kontrola edo partaidetzaren gehiengoa duena.

8. **100. artikulua**. Ondoko lerroaldeak gehitu zaizkio artikulua bukaeran.

6. Kontratuak agiri administratiboan formalizatuko dira 15 egun naturaleko epean, esleipenaren etenaldia amaitzen denetik aurrera. Administrazio agirian formalizatutako kontratuak edozein erregistro publikotan sarrera izateko aski titulu izanen dira.

7. Kontratatari egotzi ahal zaizkion arrazoiengatik kontratua behar den epean formalizatzen ez bada, kontratazio organoak bi aukera izanen ditu: kontratua suntsiaraztea, interesdunari entzun ondoren, eta lizitaziorako jarritako bermeak atxikitzea edo interesdunari penalizazioa ezartzea, kontratuaren balio zenbatetsiaren ehuneko 5ekoa hain zuzen, eta kalte-ordain osagarria eskatzea portzentaje horren gainetik eragindako kalte eta galerengatik; edo beste epe bat ematea, luzaezina, kontratuaren exekuzioa atzeratzen den kasuetarako administrazio klausula partikularren agirian aurreikusten den penalizazio araubidea aplikatuta.

8. Kontratua behar zen epean formalizatu ez izanaren arrazoiak Administrazioari egotzen ahal bazaizkio, kontratatari kontratua suntsiarazteko eta dagokion kalte-ordaina emateko eskatu ahalko du.

9. Kontratu formalizatu arte ezin izanen da kontratuaren gauzatzea hasi, ezertan ukatu gabe larrialdiko kontrataziorako, presaz izapidetzen diren kontratueterako eta faktura izan ezik beste agiririk eskatzen ez den prozeduretarako aurreikusitakoa.

9. **79. artikulua**. Honela dio: "209.000"; eta honela behar du: "221.000".

10. **73. artikulua**. Honela dio: "Administrazioa"; eta honela behar du: "kontratazio organoa".

11. **97. artikulua**. Izenburua eta 4. puntua aldatu dira.

97. artikulua. Eskaintzak irekitzea eta baloratzea.

(...)

4. "Balorazio hori egin eta gero, edo onartutako eskaintzak aztertuta, Nafarroako Kontratazio Atarian argitaratuko dira, gutxienez hiru egun lehenago, formula bidez zenbatesten ahal diren irizpideei buruzko dokumentazioa ~~jendaurrean~~ irekitzeko tokia, eguna eta ordua, zeina sekretua izanen baita ordura arte. Ondotik, jendaurrean zabalduko da lizitatzailerako bakoitzak zer puntuazio eskuratu duen formula bidez zenbatetsi ezin diren irizpideen balorazioan, baita formulen bidez zenbatesten ahal diren irizpideen araberrako eskaintza ere.

12. 121. artikulua. 2. puntua aldatu da.

2. Nafarroako Kontratu Publikoen Administrazio Auzitegiak buru bat eta beste bi kide izanen ditu, hirurak Foru Komunitateko Administrazioaren, Nafarroako toki entitateen edo foru lege honen menpeko beste entitate batzuen zerbitzuko jarduneko funtzionarioak, beren izendapenerako Zuzenbideko lizentziaduna edo graduduna izatea eskatu bazitzaie; haien hautapena Nafarroako Gobernuak egingen du, Kontratazio Publikorako Batzordeak igorritako proposamenarekin bat, Toki Araubideko Foru Batzordeak txostena egin ondoren. Hautapena sei urterako izanen da, eta kideok ezin izanen dute berriz hautatuak izan. Epe horretarako ordezkoko ere hautatzen ahalko dira, kargua hutsik dagoenerako, edo titularra kanpoan edo eri dagoen kasuetarako. Epaimahaibururik ez badago, hura falta bada edo eri badago, haren ordezkari arituko da antzinateasunik handiena duen epaimahaikide titularra, eta adinean zaharrena, hurrenkera horretan. Nafarroako Parlamentuari izendapenaren berri emanen zaio

13. 123. artikulua. 3. puntua gehitu zaio.

3. Nafarroako toki entitateetako kideek zilegi dute erreklamazio berezia aurkeztea aurkaratutako egintza eta akordioen kontra bozkatu badute, hala xedatzen baitu Toki Araubidearen Oinarriak arautzen dituen apirilaren 2ko 7/1985 Legearen 63. artikulua.

14. 124. artikulua. 2. puntuaren a) letra aldatu da.

2. Kontratazio publikoaren arloko erreklamazio berezia aurkezteko epea hamar egunekoa da, honela kontatzen hasita:

a) Iragarri bat eta haren dokumentazioa aurkaratzeko epea hasiko da lizitazio iragarria Europar Batasunaren Aldizkari Ofizialean argitaratu eta biharamunetik; edo, han argitaratzea beharrezkoa ez denean, iragarria Nafarroako Kontratazioaren Atarian agertu eta biharamunetik; edo esleipenaren iragarria argitaratu eta biharamunetik, beharrezkoa ez denean lizitazio iragarria argitaratzerik.

15. 125. artikulua 4. puntua. Honela dio: "122.4", eta honela behar du:

"124.4".

16. 127. artikulua. 1. puntua aldatu da

1. Erreklamazioari buruzko ebaizpena hogeitun egun baliouduneko epean emanen da, hura aurkezten denetik hasita. Epe hori iragan eta ebaizpen espresurik jakinarazi ez bada, interesdunak ulertzen ahalko du erreklamazio berezia ezetsi dela, administrazioarekiko auzi-errekurtsioa aurkezteari begira.

17. **138. artikulua.** 4. puntua aldatu da.

4. *Kontratazio espedientea osaturik, kontratazio organoak ebazpen arrazoitua emanen du hura onesteko eta adjudikazio prozedurari hasiera emateko, salbu eta prozedura erraztuan, lizitazio deialdirik gabeko prozedura negoziatuan eta zenbateko txikiko kontratueterako prozedura berezian. Ebazpen horretan gasturako baimena ere jasoko da.*

18. **9. xedapen gehigarria. Kontratatzeko baimena.**

2. puntuaren amaiaren honako hau erantsi behar da: *"xedapen honen 1.b) apartatuan ezarritako baldintza beretan".*